

**DAP desak lima negeri pinda undang-undang penukaran agama**  
**Malaysian Insider**  
**July 11 , 2013**  
**Oleh Md Izwan**

Ahli Parlimen DAP Nga Kor Ming (gambar) mendesak lima negeri supaya meminda Enakmen Pentadbiran Agama Islam yang menurutnya masih memberikan kuasa kepada salah seorang penjaga untuk menentukan agama anak dibawah umur, ia ekoran keputusan Kabinet menarik balik rang undang-undang sama di Parlimen.

Ahli Parlimen Taiping itu berkata, pindaan enakmen itu wajar supaya ia selari dengan keputusan kerajaan menarik balik cadangan pindaan Rang Undang-Undang Pentadbiran Agama Islam (Wilayah Persekutuan) baru-baru ini atas dasar prinsip Perlembagaan.

"Keputusan Kabinet baru-baru ini dikatakan seiring dengan prinsip perlembagaan, tapi tidak wajar dilupakan rang undang-undang tersebut masih lagi dijumpai dalam Enakmen Negeri.

"Undang-undang tidak adil tersebut masih lagi digunakan di lima negeri," kata Nga dalam satu sidang akhbar di Ioni Parlimen hari ini.

Menurut Nga, lima negeri yang masih memberikan kebenaran kepada salah seorang penjaga menentukan agama anak bawah umur adalah Negeri Sembilan, Kedah, Perak, Melaka dan Sarawak. - 11 Julai, 2013.

Hakcipta © 2013 The Malaysian Insider

Source:

<http://www.themalaysianinsider.com/bahasa/article/dap-desak-lima-negeri-pinda-undang-undang-penukaran-agama/>